

## **Taabwa - Buplesuko Malembo - Salvation Scriptures**

**BaEfeso 2:2 Ozo musita mwaali mwakonkele misango ibi ya mu kyalo.**

**Mwaali mwanakila kateeka wa mipasi ibi ya mu muulu, kateeka mubi aliwalombola bantu basilibamunakila Leza.**

**Mateo 6:10 Bukolo bobe bwize, kutona kobe kukitue pano pa kyalo nga vikulikwakitua mwiulu.**

**Luka 22:42 "We Tawe, kine watona, nmpisiizie kule keki kikombe kya lyemo, tekutona kwane, inzi kutona kobe i kwa kuti kukitike."**

**Yoane 16:7-9 Inzi nene namyana kisinka nangue kine nene naya, ni lisyuko lyenu, pantu kine nsiile, Mukwasi takamiizila. Inzi kine naya, naakamitumina. 8 Lwaakeeza Mukwasi, waakabasininkizia bekala kyalo palua bibalo ni palua bulunghami pamo ni palua bupinguzi. 9 Waakabasininkizia palua bibalo pantu tebanketekeele.**

**2 Timoteo 2:10 Ndinasipikizia kubalua kantu pa mulandu wa bantu basaakwilue bakua Leza, kumona ni bo bakapusuke kupilila muli Yesu Kristu, evi bakapeelue bulumba bwa muyayaya.**

**BaRoma 15:20,21 Mapange ane ni a kuya kusimikila Mpunda Iweme monse musinasimikilue Kristu, evi tekuti nkuule pa kiputa kyaakuulilue na bange 21 nga vilandile Malembo nangue, "Bonse basinasimikilue vili Leza, baakamumona. Ni balia basinamunvue ata limo, baakamumana."**

**Miilo ya Batumua 2:36,37 "Kansi mwe Baizraeli bonse, mane kisinka nangue ozu Yesu umwaakonkomeene pa musalaba, i waabiikilue na Leza kuti abe Mulopue kibili Kristu!" 37 Bantu lubaunvwile evio, baandilue vyakuti bakite. Baipuziizie Petro pamo ni batumua bange nangue, "Mwe bakwetu, ale tulikukita syani?"**

**BaEbrania 4:2 Pantu twaunvwile Mpunda Iweme nga evelia vyauunvwile balia baali mu kaseeba. Inzi Mpunda ibaunvwile teyaabakitile kantu pantu musita ubaunvwile ezi Mpunda tebaipokelele na kiketekelo.**

**Yeremia 24:7 - Mateo 22:37 Yesu waamwaasukile, "Tona Mulopue Leza obe na mutima obe onse, umutone mu bukose bobe bonse, kibili umutone na maano obe onse.**

**Miilo ya Batumua 16:14 Umo pa babo baali batutwiliziizie, waali Ludia waali wafumine ku Tuatera. Ozo mwanakazi waali musulu wa ngubo ya kitani kyakasi. Waali mwanakazi waali wapupa Leza. Mulopue**

**waamulengele kuti apoozeko maano ku twebo twaali twalanda Paulo.**

**Mateo 13:14-16 Ni pakako, twebo twaalandile Leza kupilila muli kabika Isaya twafikiliziiwa. Waalandile evi, 'Baba bantu kunvua baakonvua, inzi tebakamana. Kukenta baakakenta, inzi tebakamona. 15 Pantu mitima ya baba bantu ifinine, kibili bazibile matui abo, ni kuzibatika meno abo. Kabenge te evio, nga bakimona na meno abo, ni kunvua na matui abo, kibili nga baakamana mu mitima yabo, ni kunmbwelela, ni nene nabakosia.' 16 "Mwemue musyukile pantu meno enu aliamona, ni matui enu aliaunvua!**

**Isaya 6:9,10 - Miilo ya Batumua 28:27 Pantu mitima ya baba bantu ifinine, kibili matui abo teaunvua bwino, ni meno abo baazibatikile. Kabenge te evio, meno abo nga amwene, matui abo nga onvwile, mitima yabo nga iinikile, ni kubwela kuli nene, ni nene nabakosia, nangue Leza.' "**

**Marko 4:11,12 Yesu waabaanine, "Mwemue muli ni lisyuko lyakumana kafiso ka Bukolo bwakua Leza. Inzi bange bene balibaanua bintu mu bipalo, 12 evi, 'Anzia bakenta, tekuti bamone. Kibili anzia batwilizia, tekuti bonvue. Pantu bakitenge evio, nga baamubwelele Leza, ni ye nga waabeeleele.'**"

**Yoane 12:39,40 Ni pakako baandilue kumuketekela pantu kibili Isaya waalandile nangue, 40 "Leza waabafoiizie meno abo, kibili waafiniizie mitima yabo, bakeeza kumona na meno abo, bakeeza kwinika mu mitima yabo, bakeeza kwalukila kuli nene, ni nene nabakosia."**

**BaRoma 11:7,8 Ale ni syani? Kulanda kisinka Baizraeli tebaamwene kelia kibaali bakeba, inzi balia baasaakwilue i bakimwene. Bange bantu bene tebaunvwile Leza viabanga wabakuuta. 8 Malembo alialanda evi, "Leza waafiniizie mitima yabo, waabalengiizie tekuti bamone na meno abo, ni kunvua na matui abo mpaka bono busiku."**

**2 BaTesalonika 2:10,11 ni kubombia kubalua musango wa bubi kuti abembie balia baakazeeza. Baba bantu baakazeeza pantu tebaapokelele kiine ni kukitona kuti bapusukilemo. 11 Ni pakako, Leza aliwabatumina kinvulunghania kilikyabalingia kuti bazumine bya bufi.**

**Mateo 13:18-23 "Ale unvue bulondolozi bwa kipalo kya mumiini. 19 Mbezu yaaponene mumbali nzila, i muntu aliwaunvua twebo tulitwalandua palua Bukolo inzi tekuba wainika. Mulwani aliwaiza**

**kufumia kimiininue mu mutima mwa ozo muntu. 20 Mbezu yaaponeene pa lyalala, i muntu aliwaunvua keebo ni kukapokelela lubilo lubilo wawamiinue. 21 Inzi keebo tekaikalisia mu mutima mwakue, aliwakasunga sie pa musita unini. Musita uliwaiza bwavia ni lyemo pa mulandu wa keebo kakua Leza, penka papo wapona kale mu buzumino. 22 Mbezu yaaponeene mu myunga, i muntu aliwaunvua keebo, inzi lyemo lya keno kyalo ni kutona bunonsi, bilibyatozia ni kutitikila keebo, ni ko tekezi kutwamako kantu. 23 Inzi mbezu yaaponeene pa bulongo bufukile, i muntu aliwaunvua keebo ni kukeenika bwino bwino. Ozu i aliwaseekesiako mbezu ingi: Ku lubezu lumo kulikwaseeka misenga 100, ni ku inge 60, ni ku inge 30."**

**2 BaKorinto 3:15,16 Ni lenu kumo lubalibabelenga byaaalembele na Musa, milangue yabo iliyaya yakupilue sie. 16 Inzi Malembo alialanda palwakua Musa nangue, "Luali waya kuli Mulopue, kitambala kyaali kyakupululu pali wene."**

**Hosea 11:3-7 - Mateo 11:28-30 "Mwe bonse batopele na kutwama bitwamo, ize nmyangule. 29 Twame mupingo wane, kabili sambilile kuli nene, pantu nfuukile ni kuteekamana, i kuti mukatuuzie mu mitima yenu. 30 Pantu mupingo wane teufinine, ni kitwamo kyane kilengele."**

**Miilo ya Batumua 26:18 Waakazibatula meno abo, waakabafumia mu nfinzi ni kubengizia mu kisue, waakabafumia mu maka akua Satana ni kubengizia mu maka akua Leza, evi kine banketekela, beeleele bibalo byabo ni kuba pamo ni bantu basaakwilue bakua Leza.'**

**2 Timoteo 2:24-26 Pantu mubombi wakua Mulopue tapalile kuya wali wa mazibo. Inzi apalile sie kuya watonene bantu bonse, ni kuya wamanine vyakusambilizia ni vyakusipikizia. 25 Apalile kuya wafuukile lualiwasambilizia bantu balibakanzana nakue, pantu bange Leza waakabapeela musita wakulapila ni kufikiila kumana kisinka. 26 Kabili baakeenika ni kupanda mu muteo wakua Kibanda kyaabawkwete ni kubalengia kukita mukitoneene.**

**Nfyulo 3:17-19 Wewe uliwaiana evi, 'Nene ndi munonsi, kabili nsibuliilue kantu.' Wewe teumanine viupalile kunvwilua nkumbu ni viusyeme! Wewe uli mupabi, uli mpofu, kabili uli bwamba. 18 Kansi nakusoka wize unsite oro isambilue bwino mu mulilo evi uye wali munonsi, kabili wize unsite ngubo yasue yakuti uvwale ni kufiika bwamba bobo. Kabili wize unsite miti ya kubiika mu meno obe evi**

**umone. 19 Nene ndinabasasilila ni kubakanda bantu bonse bantonene. Kansi ba wakinkiile ni kulapila bibalo byobe.**

**2 BaKorinto 7:10 Pantu kufiitua kulikwaleetua na kutona kwakua Leza, kulikwaleeta bulapilo bulibwaleeta bupusuko. Ni pakako, tepali mulandu wakuti nmpaapaatile. Inzi kufiitua kusilikwaleetua na Leza, kwene kulikwaleeta nfua.**

**1 Mikolo 18:37 - God turned heart back to God**

**2 BaKorinto 4:4 Babo bantu balibakaana kuzumina pantu Satana leza wa keno kyalo abanziizie kumona kisue kya Mpunda Iweme, Mpunda Iweme palua bulumba bwakua Kristu apaleene ni Leza.**

**Luka 8:11-15 "Bulondolozi bwa keki kipalo ni bobu: Mbezu i keebo kakua Leza. 12 Mbezu yaaponeene mu nzila, i bantu balibaunvua keebo kakua Leza, papa ni papa Kibanda kyaiza kukafumiamo evi tekuti bazumine ni kuplesuka. 13 Mbezu yaaponeene pa lyalala, i bantu balibaunvua keebo ni kukapokelela bawamiinue. Inzi tekezi kwingilisia ao kuzziika misila mukati mwabo. Balibazumina sie pa musita unini. Musita uliwaiza maavia ni lyemo pa mulandu wa kaka keebo, balibaswapulukua. 14 Mbezu yaaponeene mu myunga, i bantu balibaunvua keebo, inzi pa mulandu wa kusambookela bwikazi bwa mu kyalo ni Iwinso Iwa bunonsi pamo ni Iwinso Iwa binge bintu, i kulikwatinta keebo. Baba bantu tebezi kutwalilila mu kiketekelo. 15 Mbezu yaaponeene pa bulongo buweme, i bantu balibaunvua keebo ni kukapokelela bwino bwino. Kabili balibasipikizia mpaka baseekako mazabo.**

**Miilo ya Batumua 15:11 Te evio abe! Inzi tuzumiine, kabili tupususiiziwe na buwame bwakua Mulopue Yesu nga vibapususiiziwe."**

**BaRoma 8:13 Pantu kine mulimwakita mutoneene mibeele ya bumuntu, mwaakafua. Inzi kine mwalekela kukita bikitua bya mibeele ya bumuntu mu kulombolua na Mweo Muzuuke, mwaakaba mwakosele.**